

Lehen hizkuntza (>= 5 urte). EAE eta Nafarroa

Definizioa

Euskal Autonomia Erkidegoko eta Nafarroako biztanleek hiru urte bete arte etxean jasotako hizkuntza edo hizkuntzak neurtzen ditu adierazle honek.

Hedadura

Euskal Autonomia Erkidegoa eta Nafarroa.

Aldagaiak eta kategoriak

- **Eremu geografikoa:** EAE, Nafarroa, Araba, Bizkaia eta Gipuzkoa
- **Lehen hizkuntza:**
 - Euskara
 - Euskara eta gaztelania
 - Gaztelania
 - Beste bat

Azpi-adierazleak (gurutzaketak)

Lehen hizkuntza adinaren eta sexuaren arabera

Iturriak

EAEko eta Nafarroako Mapa Soziolinguistikoak

Iturrien ezaugarriak

Biztanleria eta Etxebizitzaren Estatistikan bildutako datuak dituzte oinarritzat eta Euskal Autonomia Erkidegoko biztanleria eta Nafarroa osoa hartzen du aintzat.

Mapa Soziolinguistikoa estatistika ofiziala da, eta 020702 kodearekin dago jasota Euskal Estatistika Planean.

EAEko Mapa Soziolinguistikoak hiru aldagai aztertzen ditu: euskara-gaitasunaren bilakaera (1981eko zentsuan txertatutako aldagaia), biztanleriaren lehen hizkuntza (1986. urtean txertatutako aldagaia) eta etxeko erabilera (1991. urtean gaineratutako aldagaia). Hortaz, Euskal Autonomia Erkidegoan euskararen bilakaera berri izateko ikuspegi zabala ematen digu: hizkuntza gaitasunaren kasuan hogeita hamar urtekoa, lehen hizkuntzaren kasuan hogeita bostekoa eta etxeko erabilerarenean hogeikoa.

Nafarroan lehen aldiz 1991n neurtu ziren euskara-gaitasuna, lehen hizkuntza eta etxeko erabilera. Ondoren, 1996an, 2001ean eta 2011n ere neurtu ziren. Nafarroan hogeitaz bost urteko bilakaera ikus daiteke.

Iturrien arduradunak

Euskal Autonomia Erkidegoan datuen ardura EUSTAT erakundearena da, eta Hizkuntza Politikarako Sailburuordetzak datu horien ustiaketa egiten du.

Nafarroan datuen ardura Nafarroako Estatistika Institutuarena da, eta Euskarabideak egiten du datu horien ustiaketa.

Lehenengo datua eta maiztasuna	EAEko lehenengo datua eta maiztasuna: lehen datua 1986koa da eta bost urterik behin egiten da. Nafarroako lehenengo datua eta maiztasuna: lehen datua 1991koa da eta bost urterik edo hamar urterik behin egiten da (1996an, 2001ean eta 2011n).
Datuak osatzeko metodologia	Euskal Autonomia Erkidegoan 2011ko datuak osatzeko metodologia mistoa erabili da, hau da, honako iturri hauek konbinatuz osatu da Zentsua: -EUSTATEko Biztanleen Erregistroa -Administrazio-jatorriko informazio estatistikoa -INERen Biztanleriaren Zentsua (inkesta) 2011ko Biztanleriaren eta Etxebizitzaren Zentsua egiteko erabili den metodologia 2006ko Biztanleriaren eta Etxebizitzaren Estatistika osatzeko erabili zen lehen aldiz. Aldaketa metodologiko handia izan da. Europako hainbat estatistika-institututan (Suediakoan, Finlandiakoan edo Herbehereetakoan, esaterako) erabiltzen den metodologia da, eta datuen ustiaketa aitzindaria erabiltzen du, jatorri administratiboko fitxategietatik abiatuta. Euskarari buruzko datuak osatzeko erabili diren administrazio-jatorriko iturriak honakoak izan dira: • Hezkuntza, Hizkuntza Politika eta Kultura Saila: Selektibitateari buruzko datuak, LOGSE tituluen erregistroak, hizkuntza-ikasketen tituluen erregistroa eta Hizkuntza Eskola Ofizialeko ikasleen datuak, euskara modalitateari dagokionez. • Herri Ardularitzaren Euskal Erakundea (HAEE/IVAP): funtzionarioen euskara-ikasketak (Eusko Jaurilaritzakoak eta haren erakunde autonomiadunetakoak, foru-aldundietakoak, toki-erakundeetakoak eta Euskal Herriko Unibertsitatekoak). • Helduen Alfabetatze eta Berreuskalduntzeko Erakundea (HABE): euskaltegi-sare osoari buruzko ikasleen datuak
Informazio osagarria	
Argitalpenak eta txostenak	http://www.euskadi.eus/informazioa/ikerketak-soziolinguistikoak/web01-a2lingu/eu/ http://www.euskarabidea.es/euskara/euskara-nafarroan/datu-sozio-linguistikoak
Galdesorta	http://eu.eustat.eus/estadisticas/tema_25/opt_1/tipo_8/ti_Biztanleriaren_eta_etxebizitzaren_zentsuak/temas.html